

Pangulong Henry B. Eyring

Unang Manuglaygay sa Unang Panguluhan



Paghidaet sa Sini nga Kabuhi

Sa tanan sa aton nga nagakabuhi sa duta, ang Manluluwas nagsiling, “Sa kalibutan may kangitngitan kamo” (Juan 16:33). Apang ginhatag Niya ining manami nga promisa sa Iya mga sumulunod sa tion sang iya dutan-on nga pag-alagad, “Ang paghidaet ginabilin ko sa inyo, ang akon paghidaet ginahatag ko sa inyo: indi subong sang paghatag sang kalibutan ang paghatag ko sa inyo.” (Juan 14:27). Makaulumpaw ang mahibaloan nga ining promisa sang personal nga paghidaet nagapadayon para sa tanan Niya nga mga sumulunod sa karon.

Ang pila sa aton nagakabuhi sa matahum kag matalay nga kapalibutan, apang nagabatyag sang pagkatublag sa sulod. Ang iban nagabatyag sang paghidaet kag himpit nga kalinong sa tunga sang daku nga personal nga kawad-an, trahedyta, kag dalayon nga mga pagtilaw.

Mahimo nga nakakita kamo sang milagro sang paghidaet sa nawong sang isa ka sumulunod ni Jesucristo ukon nakabati sini sa iya mga pulong. Nakita ko ini sing madamo nga mga tinion. Kon kis-a sa kwarto ini sang ospital sa diin nagatipon ang pamilya palibot sa isa ka alagad sang Dios nga nagahilapit sa kamatayon.

Madumduman ko ang pagbisita sa isa ka babaye sa ospital pila ka adlaw antes sia mapatay sa kanser. Gindala ko ang akon duha ka lamharon nga mga bata nga baba-ye sa pag-upod sa akon tungod ining manami nga sister nangin maestra nila sa Primary sang una.

Ang mga miyembro sang iya pamilya nagatipon palibot sang iya hiligdaan, nga luyag mangin yara sa iya luyo sa katapusan nga mga tinion niya sa duta. Nakibot ako sang nagpungko sia sa hiligdaan. Nagdabot sia sa akon mga bata nga babaye kag ginpakilala sila nga duha, sing tag-isaa, sa tagsa ka miyembro sang iya pamilya. Naghambal sia nga daw sa harianon ang akon mga bata nga babaye nga ginapresentar sa atubang sang rayna. Natigayon niya nga maghambal sang isa ka butang parte sa kon paano ang tagsa ka tawo sa kwarto isa ka sumulunod sang Manluluwas. Madumduman ko pa sa gihapon ang kabakod, ang kalulo, kag ang pagpalangga sa iya tingog. Kag madumduman ko ang akon kakibot sa iya masinadyahan nga yuhum bisan pa nga nakahibalo sia nga ang nabilin niya nga tinion sa kabuhi malip-ot na lang.

Nakabaton sia sang pagpakamaayo sang priesthood para sa kaumpawan, pero ginhatagan niya kami tanan sang buhi nga panaksihon nga ang promisa sang Ginuo sang paghidaet matuod: “Ini napamulong ko sa inyo, agud nga kamo may paghidaet sa akon. Sa kalibutan may kangitngitan kamo makaangkon sang kalisdanan: apang magpakalig-on kamo; Nadaug ko ang kalibutan” (Juan 16:33).

Ginbaton niya ang Iya pangagda, subong nga mabaton man naton tanan, bisan ano man ang aton mga pagtilaw kag mga kalisdanan:

“Kari sa akon, tanan kamo nga ginabudlayan kag ginabug-atan, kag papahuwayon ko kamo.

“Itakod ang akongota sa inyo, kag magtuon kamo sa akon; kay ako mapainubuson kag malulo sa tagipusuon: kag makakita kamo sang kapahuwayan sa inyo mga kalaq.” (Mateo 11:28–29).

Paagi lang gid sa pagsunod sa Manluluwas nga ang bisan sin-o sa aton makasalapo sang katawhayan kag kali-nong sa mga pagtilaw nga magaabot sa aton tanan.

Ang pangsakramento nga mga pangamuyo nagabulig sa aton nga makahibalo kon paano makasalapo sinang paghidaet sa tunga sang mga kapipit-an sang kabuhi. Sa aton pag-ambit sang sakramento, makapamat-od kita nga mangin tampad sa aton mga kasugtanan nga sundon Sia.

Ang tagsa sa aton nagasaad nga dumdumon ang Manluluwas. Makapili kamo nga dumdumon Sia sa paagi nga nagpalapit sing maayo sang inyo tagipusuon sa Iya. Para sa akon kon kis-a, ini amo ang makita Sia sa akon hunahuna nga nagaluhod sa Hardin sang Getsemane ukon ang makita Sia nga nagatawag kay Lazaro nga maggwa sa lulubngan. Sa paghimo ko sini, makabatyag ako sang kala-pit sa Iya kag kapasalamatana nga nagadala sang katawhay sa akon tagipusuon.

Nagasaad man kamo nga tumanon ang Iya mga kasuguan. Nagasaad man kamo sa pagdala sang Iya ngalan kag mangin Iya saksi. Nagapromisa Sia nga sa pagtipig ninyo sang inyo mga kasugtanan sa Iya, ang Balaan nga Espiritu mangin kaupod ninyo. (Tan-awa sa D&C 20:77, 79.)

Ini nagadala sang paghidaet sa kinaubsan, duha ka paagi. Ang Balaan nga Espiritu nagatinlo sa aton gikan sa sala bangud sang Pagpasag-uli ni Jesucristo. Kag ang Balaan nga Espiritu makahatag sa aton sang paghidaet paagi sa pag-angkon sang pagpakaayo sang Dios kag sang paglaum sang kabuhi nga wala'y katapusan.

Ang Apostoles nga si Pablo nagmitlang sining manami nga pagpakaayo: “Apang ang bunga sang Espiritu amo ang gugma, kalipay, paghidaet, pagbatas, pagkalolo, pag-kaayo, pagtutom.” (Mga Taga-Galacia 5:22).

Sang ang langitnon nga mga mensahero nagbantala sang pagkabun-ag sang Manluluwas, sila nagpahayag, “Himaya sa Dios sa kahitaasan, kag *paghidaet* sa duta” (Lucas 2:14; pagdagmit gindugang). Nagapamatuod ako bilang isa ka saksi ni Jesucristo nga ang Amay kag Iya Pinalangga nga Anak sarang magpadala sang Espiritu

agud tugotan kita nga masalapuan ang paghidaet sa sini nga kabuhi, bisan ano man nga mga pagtilaw ang magabot sa aton kag sa aton mga pinalangga.

PAGTUDLO GIKAN SA SINING MENSAHE

Si Pangulong Eyring nagatudlo nga ang pangsakramento nga mga pangamuyo makabulig sa aton sa paghibalo kon paano makasalapo sang paghidaet sa tion sang aton mga pagtilaw. Ginapanumdum kita sang mga ini nga sa aton pagtipig sang aton mga kasugtanan, may ara kita sang promisa sang Dios nga ang Balaan nga Espiritu mangin kaupod naton. Huna-hunaa ang pagpamangkot sa inyo ginatudloan kon paano ang pagpakig-upod sang Balaan nga Espiritu makabulig sa aton nga makaangkon sang paghidaet. Mahimo man ninyo ipaambit ang inyo mga hunahuna ukon eksperiensia kon paano ang Balaan nga Espiritu nagbulig sa inyo nga makabatyag sang paghidaet sa pagtilaw. Sarang man ninyo paisugon ang inyo mga ginatudloan sa pagbinagbinag sining mensahe sa tion sang sakramento sini nga semana.

LAMHARON

Paano Mo Dumdumon ang Manluluwas Sini nga Semana?

Si Pangulong Eyring nagapaisog sa aton nga “pilion nga dumdumon [ang Manluluwas] sa paagi nga nagpalapit sing maayo sang inyo tagipusuon sa Iya.”

Paano ninyo “ginadumdum Sia pirme” sa bilog nga semana (tan-awa sa D&C 20:77, 79)?

May paborito bala kamo nga balaan nga kasulatan parte sa Manluluwas? Sarang ninyo pat-inan ang nagkalain-lain nga balaan nga mga kasulatan tagsa ka adlaw sini nga semana kag ipaambit ini sa isa ka tawo.

Nagakanta bala kamo sang himno ukon isa ka makainspirar nga ambahanon sa inyo hunahuna kon naga-batyag kamo sang kasubo? Mahimo nga magpili sang isa nga parte gid sa Manluluwas sini nga semana.

Ginapanumdum bala ninyo ang kabuhi kag nagpasag-uli nga sakripisyo sang Manluluwas sa tion sang sakramento kada semana? Mahimo kamo maghanda para sa sakramento paagi sa pagpanumdum sang inyo ginhimo nga mga pagpili sa bilog nga semana agud

dumdumon pirme ang Manluluwas kag maghinulsol sang mga tinion nga nabudlayan kamo sa paghimo sini.

Nagapangamuyo bala kamo para sa tsansa nga magpaambit sang ebanghelyo kada adlaw? Tinguhai nga maghiwat sang paghinambalanay parte sa ebanghelyo sini nga semana nahanungod gid lang sa Manluluwas. Mahimo kamo maghatag sang inyo panakshion parte sa Manluluwas sa tion sang family home evening ukon magsugilanon sa isa ka abyan sa eskwelahan parte sa isa ka eksperiensia ninyo sa simbahan.

Himoa nga buluhaton ang dumdumon ang Manluluwas sa isa ka espesyal nga paagi sini nga semana. Sugiri ang isa ka ginikanan, utod, lider, ukon isa ka abyan parte sang imo plano. Sa katapusan sang semana, sugiri sila kon ano ang natabo. Mabatyagan

ninyo alangay ang paghidaet kag kalipay nga gina-hambahal ni President Eyring.

MGA KABATAAN

Magkari kay Cristo

Ang Manluluwas nagpromisa sa aton sang paghidaet kon kita “magkari sa [Iya]” (Mateo 11:28). Nagakahulugan ini sang pagsunod sa lya ehempla kag pagtinguba nga magpabilin nga malapit sa lya.

- Mangin matinahuron sa tion sang sakramento.
- Magpili nga mangin maayo kag indi maghusgar sa iban.
- Magbasa parte sa Manluluwas sa balaan nga mga kasulatan.



Ang Kalipay sa Pamilya Napasad sa Pagkamatarong

Tun-i sing mainampuon ining materyal kag magpangamuyo agud mahibaloan kon ano ang tpaambit. Paano ang paghangop sang “Ang Panimalay: Isa ka Proklamasyon sa Kalibutan” makapadugang sang inyo pagtuo sa Dios kag magbugay sa ila nga inyo ginabantayan paagi sa visiting teaching? Para sa dugang nga impormasyon, maglog-on sa reliefsoociety_lds.org.

Ang Dios “nagtukod sang mga pamilya sa pagdala sang kalipayan sa aton, sa pagbulig sa aton nga makatuon sang husto nga mga prinsipyo sa isa ka mahigugmaon nga palibot, kag maghanda sa aton sa kabuhi nga wala'y katapusan.”¹ Nahanungod sa “daku nga plano sang kalipay” sang Dios (Alma 42:8), si Pangulong Russell M. Nelson, Pangulo sang Korum sang Napulo'g Duha ka mga Apostoles, nagsiling: “Ang Iya plano naga-pahayag nga ang mga lalaki kag mga babaye nagakabuhi ‘agud sila makaangkon sang kalipay’ [2 Nefi 2:25]. Ina nga kalipay nagaabot kon ginapili naton nga magpangabuhi suno sa wala'y katapusan nga plano sang Dios.”²

Ang puluy-an nga nakasentro-kay-Cristo nagahatag sang pinakadaku nga mga oportunidad para sa kadalag-an. Si Elder Richard G. Scott (1928–2015) sang Korum sang Napulo'g Duha ka mga Apostoles naglaragway sini bilang isa ka lugar “kon diin ang ebanghelyo ginatudlo, mga kasugtanan ginatuman, kag ang gugma bugana,” sa

diin ang mga pamilya “makagawi sing matinumanon nga kabuhi” kag mangin “malig-on nga napasad sa ebanghelyo ni Jesucristo.”³

Si Pangulong Henry B. Eyring, Unang Manuglaygay sa Unang Panguluhan, nagsiling: “Mahimo kita magdesisyon nga himuong ang tanan naton nga masarangan agud mapapanaog naton ang gahum sang langit sa [aton] mga pamilya.” Kag daku ang posibilidad nga mapasulong naton ang pagpalangga, pag-alagad, pagkamatinumanon, kag kalipay sa aton mga puluy-an paagi sa “[pagpamati sang aton kabataan] sa pulong sang Dios kag dayon pagtinguhua nga tumanon ini nga may pagtuo. Kon himuong nila ini, ang ila mga kinaiya magabag-o sa paagi nga magahatag sang kalipay nga ila ginapangita.”⁴

Mga Puluy-an nga Nasentro-kay-Cristo

May mga ehemple kita sang mga puluy-an nga nasentro-kay-Cristo sa balaan nga mga kasulatan. Pagkatapos nga napatay ang

iya amay nga si Lehi, gindala ni Nefi ang iya pamilya kag iban pa nga nagapati sa mga paandam kag mga bugna sang Dios kag nagpamati sa mga pulong ni Nefi palayo sa duta sang mga Lamanhon. Sa sining bag-o nga lugar, ang mga Nefinhon makatuman sang mga pagsulundan, kag sang mga palatukuran, kag sang mga kasuguan sang Ginuo sa tanan nga mga butang, suno sa layi ni Moises (tan-awa sa 2 Nefi 5:6–10). Wala sapayan sini bisan sa tunga sang mga Nefinhon, ang iban sang ulihi nangin di-matinumanon.

Kag bisan nga ang mga miyembro sang aton pamilya kon kis-a magtalang palayo sa pagkamatarong pareho sang mga Nefinhon, si Elder Scott nagsiling nga ang puluy-an nga nasentro-kay-Cristo sa gihapon “nagahatag sang pinakadaku nga kasegurohan para sa paghidaet kag palasilungan sa aton mga puluy-an.” Gin-ako niya nga “mangin madamo sa gihapon ang mga hangkat ukon mga sakit sa buot, pero bisan sa tunga sang

Pagtuo, Pamilya, Bulig

katublagan, sarang kita makaang-kon sang katawhay sa kaugalingon kag matuod-tuod nga kalipay.”⁵

Dugang nga Balaan nga mga Kasulatan

3 Juan 1:4; 1 Nefi 8:12; 2 Nefi 5:27

MGA TANDA

1. *Handbook 2: Administering the Church* (2010), 1.1.4.
2. Russell M. Nelson, “Celestial Marriage” *Liahona*, Nob. 2008, 92.
3. Richard G. Scott, “For Peace at Home,” *Liahona*, Mayo 2013, 30, 31.
4. Henry B. Eyring, “The Teachings of ‘The Family: A Proclamation to the World,’” *New Era*, Sep. 2015, 5, 6.
5. Richard G. Scott, “For Peace at Home,” 31.

Binagbinaga Ini

Ano ang mahimo naton buhaton agud magpangabuhí sing mas matarong sa sulod sang aton mga pamilya?